



84 ter

CONVENIO DE COLABORACIÓN 1477/611 ENTRE A CONCELLERÍA DE DEPORTES DE VIGO E A FUNDACIÓN IGUALARTE POLA UTILIZACIÓN DA INSTALACIÓN MUNICIPAL DO PAVILLÓN MUNICIPAL DE BERBÉS PARA A REALIZACIÓN DUN PROGRAMA DE ACTIVIDADE FÍSICA VINCULADO AS NECESIDADES ESPECIAIS DO COLECTIVO.

Na Cidade de Vigo a quince de novembro do ano 2017

REUNIDOS

Dunha parte, o Excmo. Sr. D. Abel Caballero Álvarez, Alcalde-Presidente do Concello de Vigo (CIF P 3605700H).

Doutra parte Dna. Maria Cristina Lago Pérez con DNI 36143539-M, como presidenta da Fundación Igualarte con CIF G-3627524, tal como acredita.

MANIFESTAN

Que o Concello de Vigo, a través da Concellería de deportes, ten entre os seus obxectivos, colaborar coa dinamización das actividades vinculadas á actividade física e deportiva en calquera das súas manifestacións ou vertentes, entre as que se atopan as do ámbito educativo e formativo, e o desenvolvemento de programas vinculados a colectivos cunhas necesidades especiais.

A Fundación Igualarte, é unha entidade declarada de utilidade pública, de carácter benéfico-social, sen ánimo de lucro, con capacidade xurídica e plena capacidade de obrar segundo os estatutos presentados pola entidade.

A Fundación Igualarte ten entre os seus fins, a creación e promoción de servizos de atención directa que sirvan para a atención, formación e promoción da autonomía e integración na sociedade de persoas con discapacidade, a promoción e organización de actividades de ocio e tempo libre, que fomenten a súa participación na comunidade, e establecer actividades de colaboración con outras entidades e institucións.

As actuacións de colaboración entre administracións no eido do deporte e a A.F. vinculada ó desenvolvemento de programas orientados a colectivos con determinadas necesidades especiais pode contribuír a consolidar hábitos de vida saudable, a incrementar os niveis de autonomía destas persoas, a mellorar a condición física destes colectivos da cidade e a mellorar as condicións nas que se desenvolven as actividades docentes e no ámbito deportivo.

Polo cal procédese asinar un convenio de colaboración que rexirásese polas seguintes



CLÁUSULAS

1. Este convenio establécese como marco de entendemento e colaboración mutua que permita desenvolver o programa de Actividade física da Fundación Igualarte nas instalacións Municipais do Pavillón de Berbés.
2. A Fundación Igualarte, en base ó artigo 5 A)4, da ordenanza N° 52, Reguladora de prezos públicos das instalacións deportivas municipais pertencentes a Concellería de Deportes, estará exento de abonar o prezo público correspondente a utilización da instalación obxecto do presente convenio, un total de 30 horas durante a duración do convenio, a 7,95 € a hora, e que ascende ó importe estimado de 238,50 €.
3. A Fundación Igualarte comprométese a desenvolver o Programa de Actividade Física nas condicións establecidas no presente convenio, na instalación deportiva municipal do pavillón de Berbés nos horarios e datas establecidos no presente convenio.
4. A Fundación Igualarte presentará, á sinatura do convenio o listado de cursos que desenvolverán as clases en cada franxa horaria.
5. A Fundación Igualarte é o responsable do desenvolvemento das clases na instalación Municipal, debendo estar presente na instalación en todo momento o responsable da clase.
6. A Fundación Igualarte comunicará a Concellería de Deportes con antelación suficiente calquera cancelación ou alteración nos horarios da actividade.
7. A Concellería de Deportes non terá ningunha responsabilidade co calquera incidente que puidera resultar derivado do desenvolvemento da actividade programada.
8. A Entidade deberá ter unha póliza de responsabilidade civil de cobertura da actividade e cobertura de accidentes.
9. Os participantes que desenvolvan a actividade na instalación será exclusivamente os vinculados o programa de actividades, non estando permitido ningún outro uso que non sexa a impartición deste programa de actividade física.
10. Os participantes accederán á instalación precedidos polo responsable da entidade, non estando permitido o acceso dos participantes en caso contrario. Da mesma forma, o responsable da actividade será a última persoa en abandonar a instalación, asegurándose de que ningún participante queda na instalación.



11. A Concellería de Deportes, aportará o espazo para o desenvolvemento das actividades.
12. A Concellería de Deportes resérvase a posibilidade de dispoñer da instalación por cuestións de programación ou mantemento. Neste caso comunicárase a entidade esta anulación.
13. A vixencia deste convenio é para as citadas actividades nos seguintes horarios para a tempada 2017-2018 ata o 31 de Xullo de 2018, a posibles modificacións solicitadas polo centro, en todo caso, estarán supeditadas a criterios de organización e disponibilidade de instalacións:

Días	Horario
Derradeiro Venres de cada mes	Venres de 10:00 a 13:00

14. No caso de incumprimento das obrigas e os compromisos asumidos neste convenio, por cada unha das partes, poderase aplicar medidas de suspensión ou anulación da vixencia do convenio.

Como proba da conformidade asinan en Vigo o presente convenio por triplicado exemplar, o día 15 de novembro de 2017

A Presidenta da Fundación Igualarte

Maria Cristina Lago Pérez

O Alcalde de Vigo

Abel Caballero Álvarez